

CORONAFIRWS – COVID19

CANLLAWIAU BUGEILIOL PELLACH ODDI WRTH FAINC ESGOBION YR EGLWYS YNG NGHYMRU

MEWN GRYM NES CLYWIR YN WAHANOL

Y cefndir

Mae'r Prif Weinidog wedi dweud wrthym i gyd, er mwyn arafu lledaeniad coronafirws ar yr adeg dyngedfennol hon, bod yn rhaid inni aros gartref heblaw at ddibenion cyfyngedig iawn y rhoddwyd arweiniad defnyddiol yn eu cylch.

Cawn fynd allan:

- I siopa am angenrheidiau sylfaenol, er enghraifft bwyd a meddygaeth, ond dylem wneud hynny mor anaml â phosibl.
- Am resymau iechyd, angen meddygol neu i ddarparu gofal neu gymorth i berson bregus.
- Ar gyfer un math o ymarfer corff y dydd, er enghraifft rhedeg, cerdded neu feicio, ar ei pen ei hunain neu gydag aelodau o'n cartref.
- I deithio at ac oddi wrth waith hanfodol, fel y'i ddiffinnir gan y llywodraeth, a dim ond lle na ellir gwneud y gwaith hwn gartref.

Os ydych ni'n gadael ein cartref:

- Rhaid i ni aros 2 fetr – tua 6 troedfedd – i ffwrdd oddi wrth bobl eraill.
- Fe ddylen ni olchi ein dwylo wrth ddychwelyd adref.

Adeiladau eglwysig

Gwyddom y bu ein heglwysi erioed yn noddfeydd ac yn leoedd o dangnefedd a lles. Fodd bynnag, mae'n amlwg bellach mai'r ffordd orau i hybu iechyd a iachâd yw drwy gau adeiladau eglwysig. Felly dylid cau pob adeilad eglwysig nes bydd rhybudd pellach. Mae hyn yn golygu **na ddylai** eglwysi fod yn agored ar gyfer gweddi unigol. Dim ond gyda chaniatâd penodol esgob cadeiriol y dylid eithrio o'r weithred hon (ac eithrio'r hyn a nodir isod).

Os am ddarlledu neu recordio addoliad, gwell gwneud hynny gartref. Gall clerigion sy'n byw yn union ar gwr yr eglwys wneud hynny o'r eglwys, ond dylid cloi'r drysau ac ni ddylid gwahodd eraill i fod yn bresennol.

Gellir, yn eithriadol ac yn ôl y galw, agor adeiladau eglwysig i gynnal banciau bwyd, ceginau cawl a llochesi i'r digartref. Fodd bynnag, dylai'r adeiladau eglwysig hyn fod ar agor at y diben hwn yn unig, a dylid cymryd pob rhagofal hylendid priodol.

Ymweld bugeiliol

Dylai clerigion ac eraill sydd wedi'u trwyddedu neu eu comisiynu'n briodol arfer eu gweinidogaeth fugeiliol o bell, dros y ffôn ac ar-lein. Rhaid wrth argyfwng bugeiliol eithafol pan fo angen presenoldeb offeiriad neu ddiakon yn eithriadol cyn y dylid cynnal ymweliad bugeiliol. Gall esgobion roi cyngor ar yr hyn a allai fod yn argyfwng bugeiliol eithafol.

Angladdau

Ni all gwasanaethau angladd gymryd lle yn yr eglwys. Erbyn hyn dylai angladdau wrth lan y bedd fod yn angladdau sydd fwy neu lai yn breifat gyda dim mwy na deg aelod o'r teulu agos neu ffrindiau yn bresennol, a gyda phellter cymdeithasol yn cael ei arfer ymhlith galarwyr nad ydynt o'r un aelwyd. Gall

clerigion ac eraill sydd â thrwydded briodol lywyddu mewn angladdau mewn amlosgfeydd, lle rydym yn disgwyl y bydd niferoedd yn cael eu cyfyngu'n llym gan awdurdodau'r amlosgfeydd, gyda rhagofalon hylendid wedi'u nodi gan yr awdurdodau, a gyda phellter cymdeithasol yn cael ei arfer ymhlith galarwyr.

Priodas

Ni all priodasau neu fendithio priodas ddigwydd mewn eglwysi mwyach. Os yw cwpl yn dymuno priodi oherwydd argyfwng bugeiliol eithafol, efallai y bydd yn bosibl cael Trwydded Arbennig Archesgob Caergaint, a dylai clerigion drafod y mater gyda'u hesgob cadeiriol cyn cysylltu â Swyddfa Hawleb Archesgob Caergaint ar faculty.office@1thesanctuary.com.

Bedydd

Ni all bedyddiadau ddigwydd mwyach mewn eglwysi, a dim ond gartref a mewn ysbyty, hosbis neu leoliad arall y dylid eu cynnal mewn argyfwng bugeiliol eithafol, lle gall bedydd gael ei weinyddu gan berson lleyg. Mae'r drefn ar gyfer bedydd mewn argyfwng wedi'i atodi isod.

Gweddïo a thystiolaethu

Nid yw dyletswydd pobl Dduw i dystiolaethu i Grist wedi ei leihau un dim, na'r alwad ddwyfol i weddïo'n ddi-baid dros ein cymunedau a phawb mewn angen. Rydym yn cymeradwyo popeth sy'n cael ei wneud yng ngwasanaeth Duw i ofalu'n fugeiliol dros ein cymunedau, ac i alluogi addoliad, gweddi a defosiwn i barhau ar yr aelwyd.

Rydym yn parhau i gynnal yn ein gweddïau bawb sy'n bryderus, pawb sy'n sâl, a phawb sy'n galaru, gan erfyn ar i bresenoldeb y Crist atgyfodedig fod wastad gerllaw, yn rhoi inni fendithion sicrwydd, tangnefedd a nerth yn y dyddiau poenus a phryderus hyn.

BEDYDDIO MEWN ARGYFWNG

Mewn argyfwng, onid oes gweinidog ordeiniedig ar gael, gall person lleyg weinyddu bedydd. Cyn bedyddio, dylai'r gweinidog ofyn am enw'r plentyn / person sydd i'w fedyddio. Os oes amheuaeth, am ba reswm bynnag, yngly n a r enw, gellir gweinyddu'r bedydd heb enw (ar yr amod y gellir cofnodi'n gywir pwy yn union a fedyddiwyd).

Y mae'r ffurf a ganlyn yn ddigonol:

Y mae'r gweinidog yn tywallt dw r ar y sawl sydd i'w fedyddio, gan ddweud

Yr wyf yn dy fedyddio di yn Enw'r Tad a'r Mab a'r Ysbryd Glân.

Amen.

Yna gall pawb ddweud Gweddi'r Arglwydd a'r Gras.

Rhaid i bwy bynnag a weinyddodd fedydd preifat mewn argyfwng hysbysu offeiriad y plwyf yn ddi-oed.

Cofnodir y bedydd yng nghofrestr y bedyddiadau yn y modd arferol.

Mainc yr Esgobion
24 March 2020